

Un re-encuentro historico den club de Trupialen

STA. CRUZ -- Loke mester tabata un anochi simpel a bira un anochi pa nunca lubida! "De Trupialen" e club hubenil di mas cu 50 aña, a organiza siman pasa un anochi pa celebra e 20 aña di Status Aparte y 30 aña di Himno y Bandera. Pa e ocasion aki a invita Padu Lampe y Hubert Booi como huespednan special. No ta por nada a scoge e dos personanan aki pa e anochi aki. E dos baluartenan cultural aki, ta tambe pilarnan di Trupialen. Riba e anochi aki "Club Hubenil De Trupialen" a devela e "Muraya di Fama" pa honra

coro hubenil di Trupialen. Esaki tabata mas cu 20 aña prome cu "Aruba Dushi Tera" a bira nos himno nacional. E tabata tambe un tempo cu no tabata canta canticanan na Papiamentu na ocasionnan oficial. Sigur no na ocasion di aubade of bishita di dignitarionan Hulandes. Sinembargo Padu Lampe, Rufo Wever y Frère Alexius e tempo ey si tabata convensi cu nos mester a canta cancionnan na Papiamentu. Hunto nan a compone y presenta cu e coro di Trupialen un cantidad grandi di cantica cu a bira tesoronan folklorico



personanan cu a hunga un rol importante den historia di e club. Padu Lampe y Hubert Booi ta e prome personanan pa uni cu Frère Alexius, e fundador di Trupialen pa wordo honra riba e muraya aki! E anochi di canto y rindimento di honor a bira un anochi cultural espontaneo cu declamacion, canto, musica di entre otro Padu y Lio mes! E anochi a bira uno inolvidabel!

PADU LAMPE

Padu Lampe ta conoci pa masha hopi composicion bunita riba piano y canto na Papiamentu. Un di e cancionnan mas conoci cu el'a compone hunto cu Rufo Wever ta e "ARUBA DUSHI TERA". Despues di a compone e cancion aki den añanan 50, Padu y Rufo a dicidi di graba e cancion aki riba disco. Pa canta e cantica aki Padu y Rufo a scoge e

HUBERT BOOI

Den añanan 50 di siglo pasa, tempo cu obranan di teatro di Aruba no tabata existi y sigur no na Papiamentu, Hubert Booi a crea e obra di teatro "PERLA DI CARIBE" y a dirigi e presentacion di e obra aki hunto cu frère Alexius. E actornan tabata hobennan miembro di De Trupialen. E canto y declamacionnan



den e obra aki te awe ta clasico den historia cultural di Aruba.

Banda di e obra teatral grandi aki, Hubert Booi a compone un cantidad di cantica cu e coro di Trupialen a presenta durante di henter su historia tur rond di Aruba! Hubert Booi ta pa e motibonan aki un persona cu tin un lugha special den historia di De Trupialen. Riba e anochi aki en bez di hiba un discurso, Hubert Booi spontaneamente a declama un di su poesianan den cua e ta describi e bunitesa di Aruba.

CORO DI DE HISTORICO TRUPIALEN

Coro di De Trupialen bao direccion di Lem Pietersz a presenta na comienzo di e anochi nos himno "Aruba Dushi Tera". Tabata emocionante pa tende un generacion di Trupialnan completamente nobo canta e cantica cu mey siglo pasa Trupialnan, den e mes un club aki y den presencia di Padu Lampe y Hubert Booi a canta.

E coro a canta otro canticanan y composicionnan di Lem Pietersz rindiendo honor na Aruba y su pueblo.

RE- ENCUESTRO

E anochi di rindimento di honor na Padu Lampe y Hubert Booi asina a bira un anochi di topa otro atrobe den un lugha historico, e club chikito di De Trupialen, caminda asina hopi musica, canto y obranan teatral a wordo crea y presenta na pueblo di Aruba durante mas cu mey siglo. Y riba e anochi aki por a mira dos di e personanan cu mas a contribui na e historia aki, Padu Lampe y Hubert Booi hunto cu nan Trupialnan, den un ambiente di celebracion cultural. El'a bira un anochi pa nunca mas lubida!